

Sime Darby Property Menang Pengiktirafan Tertinggi di Putra Brand Awards 2023

- Sime Darby Property mengekalkan kedudukannya sebagai syarikat pembangunan hartanah pilihan pengguna yang terkemuka di Malaysia;
- Pengiktirafan ini mencerminkan dedikasi Syarikat kepada kecemerlangan dan pencapaian Matlamatnya sebagai Pengganda Nilai kepada Masyarakat, Perniagaan, Ekonomi dan Planet.

ARA DAMANSARA, 22 JANUARI 2024 – Sime Darby Property Berhad ("Sime Darby Property" atau "Syarikat") memulakan tahun 2024 dengan kejayaan cemerlang setelah dinobatkan sebagai pemenang utama di Putra Brands Awards 2023 yang dilangsungkan di Petaling Jaya.

Syarikat memenangi Anugerah Platinum bagi kategori 'Pembangunan Hartanah' menerusi undian orang ramai berdasarkan beberapa kriteria termasuk kebiasaan (*familiarity*), penggunaan (*usage*), tanggapan (*impression*), niat untuk membeli (*intent to purchase*) dan kemungkinan untuk mencadangkan jenama Syarikat kepada individu lain.

Pengarah Urusan Kumpulan Sime Darby Property, Dato' Azmir Merican menyatakan bahawa anugerah tersebut membuktikan keyakinan orang ramai terhadap jenama Sime Darby Property dalam menyediakan produk-produk yang berkualiti, inovatif dan mampan.

"Kami teguh berdiri dalam industri selama lebih dari 50 tahun kerana kepercayaan pengguna terhadap Sime Darby Property, dan ia merupakan satu kehormatan untuk diiktiraf sebagai pembangunan hartanah pilihan utama di Malaysia. Kami berterima kasih kepada para pengundi dan penganjur di atas pengiktirafan ini," kata Dato' Azmir.

Tambahnya: "Sejajar dengan Matlamat Syarikat sebagai Pengganda Nilai kepada Masyarakat, Perniagaan, Ekonomi dan Planet, kami akan terus meningkatkan landskap hartanah di Malaysia sambil memberikan impak positif kepada semua pihak berkepentingan kami."

Dilancarkan pada tahun 2010, Putra Brand Awards adalah anugerah penilaian jenama yang diukur berdasarkan pilihan pengguna dan bertujuan untuk mengiktiraf jenama-jenama yang

menunjukkan kecemerlangan dalam menjalin dan membina hubungan yang kukuh dengan pengguna.

Dianjurkan oleh *Association of Accredited Advertising Agents of Malaysia* (“4As”) dengan kerjasama *Malaysia’s Most Valuable Brands* (“MMVB”), pemenang dipilih melalui tinjauan dalam talian oleh lebih daripada 11,000 responden di pelbagai kategori produk dan perkhidmatan.

-TAMAT SIARAN-

Mengenai Sime Darby Property Berhad

Dengan pengalaman lebih daripada 50 tahun, Sime Darby Property menerajui pembangunan komuniti terancang, menetapkan penanda aras bagi kualiti, inovasi dan kemampunan dalam projek-projek kediaman, bersepadu dan bertingkat tinggi di 25 perbandaran dan pembangunannya di seluruh Malaysia.

Di kala peralihan kepada sebuah syarikat hartanah menjelang 2025, Sime Darby Property memacu segmen perindustrian dan logistik di Elmina Business Park, Bandar Bukit Raja, Bandar Hamilton Nilai, dan Zon Ekonomi Khas Pagoh. Sime Darby Property juga merupakan pemaju hartanah tersenarai awam pertama di Malaysia yang mewujudkan dana pembangunan dalam sektor perindustrian dan logistik untuk mendorong portfolio pendapatan berulangannya.

Syarikat telah berikrar untuk mencapai pelepasan karbon Sifar Bersih menjelang 2050 berpandukan sasaran berasaskan sains untuk menghadkan kenaikan suhu global kepada 1.5°C. Sebuah organisasi yang menjuarai usaha-usaha pemeliharaan biodiversiti, Sime Darby Property merupakan konstituen MSCI ACWI Small Cap Index bertaraf MSCI ESG BBB, dan dinilai oleh Carbon Disclosure Project.

Sebagai sebahagian daripada konsortium Malaysia yang berjaya membangunkan semula Battersea Power Station yang ikonik di United Kingdom, Sime Darby Property juga memiliki Kuala Lumpur Golf & Country Club yang telah memenangi pelbagai anugerah serta menjadi tuan rumah kepada acara berprestij Maybank Championship yang diselia oleh LPGA.

Didorong oleh Matlamatnya untuk menjadi Pengganda Nilai kepada Masyarakat, Perniagaan, Ekonomi, dan Planet, Sime Darby Property melalui badan dermawannya, Yayasan Sime Darby, kekal aktif mencipta impak sosial yang positif untuk semua lapisan masyarakat.

Sime Darby Property diiktiraf di peringkat dunia dengan kemenangan Emas dan Perak di FIABCI World Prix d'Excellence Awards 2023, dengan pencapaian-pencapaian membanggakan lain, termasuk All-Stars di StarProperty Awards 2023, kedudukan Platinum dalam kategori Pembangunan Hartanah di Putra Brand Awards 2022, Anugerah 10 Pemaju Terbaik (Malaysia) di BCI Asia Awards 2023, Anugerah Pilihan Rakyat di PropertyGuru Asia Awards Malaysia 2023, serta dinamakan sebagai salah satu daripada tiga pemaju hartanah terbaik Malaysia di 'The Edge Malaysia's Top Property Developers Awards 2023'.

Untuk maklumat lanjut, sila layari www.simedarbyproperty.com
Kontak Media: Adela Megan Willy | +6017-604 5562 | adela.megan@simedarbyproperty.com
Untuk pertanyaan lanjut, sila emel: group.communications@simedarbyproperty.com